

FAQ

PELAKSANAAN TATAKELOLA PENGURUSAN DAN PEROLEHAN PROJEK ICT BAGI RMKe-13

BIL.	SOALAN	JAWAPAN
TUJUAN DAN PEMAKAIAN GARIS PANDUAN		
1.	Mengapa Garis Panduan Pelaksanaan Tatakelola Pengurusan Dan Perolehan Projek ICT Bagi RMKe-13 dikeluarkan?	Garis panduan ini merupakan rujukan kepada Kementerian/agensi dalam melaksanakan Pengurusan Dan Perolehan Projek ICT RMKe-13 berdasarkan para 3. Tatakelola Pengurusan dan Perolehan Projek ICT Baharu.
2.	Pihak mana yang terkait dengan pemakaian Garis Panduan Pelaksanaan Tatakelola Pengurusan Dan Perolehan Projek ICT Bagi RMKe-13?	Garis panduan ini terpakai kepada Kementerian/agensi untuk permohonan kelulusan teknikal bermula 1 Mei 2024 bagi tujuan urusan permohonan bajet tahun 2025 untuk pelaksanaan projek ICT tahun 2026. Hal ini adalah kerana kelulusan teknikal merupakan pra-syarat kepada permohonan bajet.
3.	Adakah pelaksanaan tatakelola baharu melibatkan projek yang perlu diangkat ke JTISA sahaja?	Pelaksanaan tatakelola baharu melibatkan semua peringkat kelulusan perolehan ICT termasuk JPICT.
4.	Adakah tatakelola baharu terpakai bagi projek ICT RMKe-12 yang bersambung ke RMKe-13?	Tidak. Tatakelola ini hanya melibatkan permohonan projek ICT Baharu RMKe-13
PERBEZAAN TATAKELOLA RMKe-12 DAN RMKe-13		
5.	Apakah perbezaan utama antara permohonan projek ICT di bawah RMKe-12 dan sebelumnya berbanding permohonan projek ICT di bawah RMKe-13?	Bagi RMKe-12 dan sebelumnya, kelulusan teknikal dimohon selepas mendapat kelulusan bajet manakala bagi RMKe-13, kelulusan teknikal dan anggaran kos dilaksanakan sebelum permohonan bajet kepada Kementerian Ekonomi /MOF.
GARIS MASA PELAKSANAAN		
6.	Bilakah tarikh mula permohonan kelulusan teknikal JPICT/JTISA bagi projek ICT di bawah RMKe-13?	Kementerian/agensi boleh membuat permohonan bermula pada 1 Mei 2024. Perincian adalah seperti dalam Garis Panduan para 5.3 (a).
KATEGORI PERUNTUKAN		
7.	Pelaksanaan tatakelola terpakai kepada peruntukan mana?	Tatakelola ini terpakai kepada permohonan Peruntukan Pembangunan (DE) RMKe-13 dan diperluaskan pemakaian kepada Peruntukan Belanja Mengurus (OE), <i>Private Finance Initiative</i> (PFI)/ <i>Public Private Partnership</i> (PPP) dan Projek in-house.

BIL.	SOALAN	JAWAPAN
8.	Bagaimana permohonan projek ICT di bawah PPP/PFI?	Penilaian projek ICT di bawah PPP/PFI hanya di peringkat JDN sahaja dan dimaklumkan kepada JTISA sebelum diangkat kepada UKAS untuk kelulusan.
9.	Adakah pembangunan projek ICT secara <i>in-house</i> juga tertakluk kepada tatakelola ini?	Ya. Tujuan bagi memastikan tiada pertindihan skop untuk fungsi yang sama dengan projek ICT sedia ada di Kementerian/agensi lain dan bagi menggalakkan perkongsian pintar serta mengurangkan pembaziran sumber. Penilaian projek ICT secara <i>in-house</i> hanya di peringkat JDN sahaja dan dimaklumkan kepada JTISA.
TATACARA PERMOHONAN		
10.	Bagaimakah proses permohonan kelulusan teknikal JPICT/JTISA bagi projek ICT baharu dan sambungan di bawah RMKe-13?	Rujuk Garis Panduan Pelaksanaan Tatakelola Pengurusan Dan Perolehan Projek ICT bagi RMKe-13 para 5.3.
11.	Adakah peringkat kelulusan bagi permohonan projek ICT RMKe-13 berdasarkan kepada aliran proses sedia ada?	Ya. Aliran proses yang sama iaitu bermula daripada kelulusan JPICT agensi dan seterusnya kelulusan JPICT Kementerian dan kelulusan JTISA. Rujukan SPA Bil. 3 Tahun 2015.
12.	Adakah semua cadangan projek ICT yang dikemukakan kepada JDN perlu dinilai diperingkat JPICT Kementerian/agensi terlebih dahulu atau terus dari pemilik projek?	Ya. semua projek perlu dinilai diperingkat JPICT Kementerian/agensi sebelum dikemukakan kepada JDN.
13.	Adakah terdapat sistem / tools yang disediakan untuk mengisi permohonan projek ICT di bawah RMKe-13?	Ada. Kementerian/agensi boleh mengemukakan permohonan projek ICT melalui Sistem Profil Projek ICT Sektor Awam (PROFIT).
14.	Adakah semua projek ICT termasuk pembangunan secara <i>in-house</i> juga perlu dimasukkan dalam PROFIT?	Ya.
15.	Adakah terdapat panduan pengisian permohonan kelulusan projek ICT di bawah RMKe-13?	Ada. Kementerian/agensi hendaklah menyediakan permohonan projek ICT RMKe-13 yang lengkap menggunakan templat permohonan JTISA.

BIL.	SOALAN	JAWAPAN
KRITERIA PENILAIAN PROJEK		
16.	Apakah kriteria penilaian oleh JTISA?	<p>Kriteria penilaian adalah merujuk kepada SPA Bil. 3 Tahun 2015:</p> <p>JTISA menilai permohonan projek ICT dari aspek daya maju teknikal, pengoptimuman sumber dan keberkesanan kos, memberi pulangan nilai untuk wang (value for money), impak dan keberkesanan yang tinggi kepada rakyat sekaligus meningkatkan kecekapan penyampaian perkhidmatan Kerajaan.</p>
17.	Apakah kriteria penilaian oleh JPICT Kementerian/agensi?	Kriteria penilaian JPICT Kementerian/agensi adalah sama seperti kriteria penilaian JTISA.
KELULUSAN PERMOHONAN BAJET		
18.	Adakah Kementerian Ekonomi /MOF akan meluluskan bajet mengikut jumlah dimohon Kementerian/agensi?	<p>Kelulusan bajet bergantung kepada keputusan Kementerian Ekonomi /MOF seperti berikut:</p> <ul style="list-style-type: none"> a) Kelulusan penuh; atau b) Kelulusan sebahagian; atau c) Tidak lulus
19.	Bagaimana sekiranya bajet yang dipohon Kementerian/agensi tidak lulus penuh?	Kemungkinan akan berlaku perubahan skop dan permohonan projek ICT perlu diangkat semula ke JPICT Kementerian dan dimaklumkan kepada JDN.
20.	Pihak mana yang akan mengemukakan senarai projek lulus saringan dan penilaian teknikal JPICT/JTISA kepada Kementerian Ekonomi /MOF?	JTISA, JDN akan mengemukakan senarai projek lulus saringan dan penilaian teknikal JPICT/JTISA kepada Kementerian Ekonomi /MOF.
21.	Adakah maklumat kelulusan bajet oleh Kementerian Ekonomi /MOF kepada Kementerian/agensi perlu dimaklumkan kepada JDN?	Ya, Kementerian/agensi perlu mengemukakan salinan kelulusan bajet kepada JDN.
PERUBAHAN SKOP DAN SPESIFIKASI PROJEK		
22.	Bagaimanakah sekiranya terdapat perubahan spesifikasi semasa pelaksanaan projek?	<p>Berdasarkan kepada SPA Bil 3 Tahun 2015:</p> <ul style="list-style-type: none"> a) Bagi projek yang telah mendapat kelulusan teknikal JTISA tetapi belum dilaksanakan:

BIL.	SOALAN	JAWAPAN
		<p>i) Jika berlaku perubahan skop, agensi hendaklah memohon semula kelulusan teknikal JTISA</p> <p>ii) Jika berlaku perubahan kos, spesifikasi, kuantiti, tempoh projek dan kaedah perolehan tanpa melibatkan perubahan skop, hendaklah memaklumkan secara rasmi kepada urus setia JTISA.</p> <p>b) Bagi projek yang telah mendapat kelulusan teknikal JTISA dan telah dilaksanakan, sebarang perubahan adalah di bawah kawalan Jawatankuasa Teknikal Projek (JKT) dan Jawatankuasa Pemandu Projek (JKP).</p>
KHIDMAT NASIHAT		
23.	Bagaimana untuk mendapatkan khidmat nasihat/taklimat/penerangan berkaitan Garis Panduan Pelaksanaan Tatakelola Pengurusan Dan Perolehan Projek ICT Bagi RMKe-13	Kementerian boleh membuat permohonan kepada urusetia JTISA, JDN dan menyelaras kehadiran wakil bagi semua agensi di bawah seliaan Kementerian masing-masing dalam sesi tersebut.